

UGOVOR BR. 07-03-14-25340-18

Nabavka usluga organizovanja Međunarodne poslovne konferencije Kanton Sarajevo 2016

I – UGOVORNE STRANE

Naručilac usluga: Ministarstvo privrede Kantona Sarajevo
ul. Reisa Džemaludina Čauševića 1
71000 Sarajevo
koje zastupa ministar Dr Muharem Šabić
u daljem tekstu: **Naručilac**

Izvršilac usluga: Kongresni servisni centar d.o.o.
kojeg zastupa direktor Selma Totić Redžepagić
u daljem tekstu: **Izvršilac**

II – PREDMET UGOVORA

Član 1.

Naručilac naručuje, a Izvršilac preuzima obavezu da za račun Naručioca, prema uslovima i odredbama ovog Ugovora i na osnovu usaglašene ponude Izvršioca, zaprimljene pod brojem 01-08-25/16 od 25.08.2016. godine, pruži usluge organizovanja Međunarodne poslovne konferencije Kanton Sarajevo 2016.

Član 2.

Izvršilac se obavezuje da, po nalogu Naručioca a na osnovu prethodno prihvaćene ponude od strane Naručioca, izvrši sve predviđene usluge, kao i usluge za koje se ukaže potreba, a sve u skladu sa odredbama ovog Ugovora.

III – KVALITET I OBIM USLUGA

Član 3.

Izvršilac se obavezuje da sve usluge koje zahtijeva Naručilac izvede prema važećim standardima i normativima za ovu vrstu usluga, a u skladu sa zahtjevima navedenim u tenderskoj dokumentaciji.

Član 4.

Ukoliko Naručilac bude zahtijevao, Izvršilac je dužan da za sve pružene usluge i kvalitet izvedenog ukupnog stanja u odnosu na važeće propise, izradi i Naručiocu dostavi odgovarajuću dokaznu dokumentaciju o vremenu i kvalitetu izvedenih usluga.

Član 5.

Eventualna odstupanja od prihvaćenom ponudom predviđenih usluga, moraju biti prethodno odobrena od strane Naručioca.

IV – GARANCIJA O KVALITETU

Član 6.

Izvršilac usluga daje garanciju na kvalitet pruženih usluga.

Član 7.

U slučaju utvrđivanja neadekvatnog kvaliteta pruženih usluga, Naručilac ima pravo odmah da reaguje, a Izvršilac je dužan da odmah pristupi njihovom otklanjanju i iste otkloni o svom trošku.

V – CIJENA USLUGA

Član 8.

Kao cijena usluga, prihvataju se cijene pojedinih vrsta usluga koje su ponuđene u ponudi zaprimljenoj pod broj: 01-08-25/16 od 25.08 .2016. godine, u iznosu:

- *Cijena usluga organizovanja Međunarodne poslovne konferencije 2016 bez PDV-a*
.....16.258,20 KM;
- *PDV - 17%* 2.763,89 KM;
- *Cijena usluga organizovanja konferencije sa PDV-om* 19.022,09 KM.

(Slovima:Devetnaesthiljadadvadesetdvije i 09/100 KM)

Sastavni dio ovog Ugovora je ponuda broj 01-08-25/16 od 25.08.2016. godine.

Član 9.

Izvršilac nema pravo na promjenu ugovorenih jediničnih cijena usluga, po bilo kom osnovu i u tom smislu utvrđene jedinične cijene, smatraju se fiksnim i nepromjenljivim.

Cijene usluga mogu se mijenjati samo u izuzetnim slučajevima, uz obostranu saglasnost Naručioca i Izvršioca, što se ima definisati Anexom Ugovora.

Naručilac i Izvršilac su saglasni da se sve usluge koje nisu obuhvaćene ovim članom posebno ugovaraju kroz dostavljanje ponude-predračuna od strane Izvršioca i usvajanje istih od strane Naručioca, što se potvrđuje izdavanjem narudžbenice.

VI – NAČIN I USLOVI PLAĆANJA

Član 10.

Ugovorne strane su se sporazumjele da Naručilac, Izvršiocu pružene usluge plaća na

- žiro račun broj: 3386902265963765 („*UNICREDIT Bank*“ d.d. Sarajevo).

Član 11.

Izvršilac će fakturisanje usluga izvršiti u roku od 15 dana od dana završetka konferencije, a Naručilac će fakturisane usluge platiti u roku od 15 dana od dana dobijanja fakture na realizaciju.

VII TRAJANJE UGOVORA, ROKOVI I USLOVI IZVOĐENJA RADOVA

Član 12.

Ovaj Ugovor stupa na snagu danom potpisivanja i vrijedi do završetka konferencije i isplate fakturisanih usluga, a nakon toga ne može biti predmet bilo kakve obligacije.

Član 13.

Rokovi za izvođenje svih ugovorenih usluga posebno će se definisati kroz usaglašavanje stavova Naručioca i Izvršioca usluga. S tim da Izvršilac usluga treba voditi računa da Međunarodna poslovna konferencija Kanton Sarajevo 2016 mora biti održana 29. septembra 2016. godine u Sarajevu.

VIII PENALI I KAZNA

Član 14.

Ukoliko se kod izvršavanja usluga ustanove evidentni nedostaci, koji direktno budu utjecali na kvalitet organizacije konferencije, vrijednost ugovora za izvršene usluge umanjuje se za 5%, osim ukoliko su prekoračenje uzrokovale objektivne okolnosti (okolnosti na koje ponuđač nije mogao utjecati).

IX DOKUMENTACIJA

Član 15.

Za izvršene usluge dostaviti dokumentaciju koja je u skladu sa važećim propisima i standardima.

X PROVJERA KVALITETA

Član 16.

Provjeru i ovjeru kvaliteta izvedenih usluga (nadzor) vršit će predstavnici Ministarstva privrede Kantona Sarajevo.

XI IZMJENA ODREDBI UGOVORA, RASKID UGOVORA

Član 17.

Ugovorne strane su saglasne da se odredbe Ugovora mogu mijenjati sporazumno i samo u pisanoj formi i kao takav dokument čine sastavni dio ovog Ugovora.

Član 18.

U slučaju da jedna od ugovornih strana ne izvršava svoje obaveze u cijelosti ili ih izvršava djelimično, i ukoliko takvim neizvršavanjem obaveza čini štetu drugoj ugovornoj strani, druga ugovorna strana stiče pravo na jednostran raskid Ugovora i naplatu nastale štete.

XII PRELAZNE I ZAVRŠNE ODREDBE

Član 19.

U slučaju spora po ovom Ugovoru, ugovorne strane su dužne isti sporazumno riješiti, a u protivnom saglasne su da prihvataju nadležnost suda u Sarajevu.

Član 20.

Ovaj ugovor stupa na snagu danom potpisa od strane ugovornih strana.

Član 21.

Ovaj ugovor sačinjen je u 4 /četiri/ istovjetna primjerka od kojih po 2 /dva/ primjerka za svoje potrebe zadržava svaka ugovorna strana.

IZVRŠILAC: Kongresni servisni centar d.o.o.

**NARUČILAC: Ministarstvo
privrede Kantona Sarajevo**

Direktor

S Totić Redžepagić

/Selma Totić Redžepagić/

Ugovor broj: 07-03-14-25340-18

Datum: 14.09.2016 . godine



Ministar

/Dr Muharem Šabić/

Ugovor broj: 07-03-14-25340-18

Datum: 14.09.2016 . godine